

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 30.03.2018թ.-ի թիվ 1807862457 որոշումը բեկանելու և վարչական իրավախախտման վերաբերյալ գործը կարճելու մասին

«21» 05 2018թ. 17-4 - 2987

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Հայկ Միքայելյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Հայկ Միքայելյանը դիմումով խնդրել է, որ MITSUBISHI մակնիշի 35NC908 հաշվառման համարանիշի տրանսպորտային միջոցով կատարված իրավախախտմամբ կայացված վարչական տույժ նշանակելու մասին թիվ 1807862457 որոշումը վերահասցեավորել իրեն:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-րդ մասի համաձայն՝ Հայկ Միքայելյանը ճանաչվել է որպես իրավախախտում կատարած անձ, ուստի նրա կողմից ներկայացված դիմումը ենթակա է քննարկման:

Նյութերի ուսումնասիրությամբ պարզվել է, որ MITSUBISHI մակնիշի 35NC908 համարանիշի տրանսպորտային միջոցի վարորդը 24.03.2018թ. ժամը 11:29-ին Երևան քաղաքի Արծաթյան/Իսահակյան խաչմերուկի հատվածում խախտել է ՀՀ կառավարության 2007 թվականի հունիսի 28-ի 955-Ն որոշման Հավելված N 1-ի 49-րդ կետով սահմանված իրավանորմը, այն է հետընթաց է կատարել խաչմերուկում: Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 3-րդ մասով, 224-րդ հոդվածի 2-րդ մասով, Վարչական իրավախախտումների վերաբերյալ ՀՀ օրենսգրքի 124-րդ հոդվածի 9-րդ մասի համաձայն՝ MITSUBISHI մակնիշի 35NC908 համարանիշի տրանսպորտային միջոցի սեփականատեր Սոնա Մանուկյանը տուգանվել է 5000 դրամ:

Դիմումին կից ներկայացված Հայկ Ալբերտի Միքայելյանի վարորդական իրավունքի պատճենից ակնհայտ է, որ թիվ 1807862457 որոշմամբ արձանագրված խախտումը կատարելու պահին վերջինս տրանսպորտային միջոցը վարել է ուժը կորցրած վարորդական վկայականով, որը պարունակում է Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված զանցակազմ:

04.05.2018թ.-ին Ճանապարհային ոստիկանության վարչական գործունեության բաժանմունքի պետի կողմից կայացվել է թիվ ԱԴ 220388 որոշումը, ըստ որի Հայկ Միքայելյանը Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասի համաձայն տուգանվել է տասը հազար դրամի չափով:

Այսպիսով, հաստատված համարելով այն, որ 24.03.2018թ.-ին արձանագրված ճանապարհային երթևեկության կանոնի խախտումը կատարվել է Հայկ Միքայելյանի կողմից, նկատի ունենալով, որ դրա համար վերջինս արդեն իսկ ենթարկվել է վարչական պատասխանատվության՝ առավել լուրջ խախտման համար սահմանված սանկցիայի շրջանակներում, նույն խախտման համար Սոնա Մանուկյանի անվամբ կայացված վարչական տույժ նշանակելու մասին թիվ 1807862457 որոշումը ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807862457 որոշումը բեկանել և վարչական իրավախախտման վերաբերյալ գործը կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Հայկ Միքայելյանին (հասցեն՝ Վայոց Ձորի մ., Եղեգնաձոր, Անդրանիկի փ., 32., 6բն.), տրանսպորտային միջոցի սեփականատեր Սոնա Մանուկյանին (հասցեն՝ ք.Երևան, Բազրատունյաց փ., 162., 73բն.) և ՏՄՀԽԱ կենտրոն:

Կատարող Ս.Ալեքսանյան



Ե. Կարամյան